

Nr. 013 / 10 Örvar HU 2***Skipverji meiðist í baki***

Skipaskr. nr. 2197
Smíðaður: Vigo Spáni 1993, stál
Stærð: 736,4 brl. 1243,1 bt.
Mesta lengd: 52,2 m Skráð lengd: 45,84 m
Breidd: 11,6 m Dýpt: 7,23 m
Vél: Wärtsilä 2200 kW, 1993
Fjöldi skipverja: 16



Örvar ©Þorgeir Baldursson

Gögn:
Gögn RNS

Lokaskýrsla afgreidd á fundi 20. ágúst 2010 af Inga Tryggvasyni, Hilmari Snorrasyni, Pálma K. Jónssyni, Jóhanni Ársælssyni og Ólafi K. Ármannssyni

Tilgangur þessarar skýrslu er ekki að skipta sök eða ábyrgð og skal henni ekki beitt sem sönnunargagn í opinberu máli.

Atvikalýsing:

Þann 18. desember 2009 var Örvar HU 2 á togveiðum norður af Sporðagrunni. Breytileg átt 5 m/s.

Verið var að láta bæði trollin fara og einn skipverja var að ná byssuvír ofan af lóðinu sem hékk í gálga. Við meðhöndlun á vírnum meiddist hann í baki og varð óvinnufær.

Við rannsókn kom fram:

- að mikill slaki var á vírnum utan við lóðið og einnig nokkur innan við þar sem slasaði hélt um vírinn. Þegar vírnum var sveiflað ofan af lóðinu kippti þungi hans í slasaða svo hann tagnaði í baki.

Nefndarálit:

Orsök slyssins var að slasaði sleppti ekki vírnum þegar hann féll út af lóðinu.